

Nimookaajiinsak ndo Daanding

Mii maanda waa dibaadamaa gonda e-kinomaagag waa dibaadamaa noongo.

Ktige-nini gii yoo-aan nimoosan waa ndoo daayi-jin. Msagaakoosan gii goonaan mchikaning wii ndoo daa-et nimoosan. Miish gegwa eshkwaaw goonaant msa-gaa-koosan mii giiyenh gwaya gii moo-zhaat miik-noot wiik-bid-maagot. Mii giiyenh gii naabid, gwiizens-an gii waab-maan.

“Nini, nga giish-nanaa bezhik nimoons” gii kida gwiizens.

“Mii dash,” giiyenh ekidot ktige-nini . . . “Mii dash,” giiyenh ekidot ktige-nini, epiich gziiyang do bwezwin kwegnaang. Mii dash ekidot, “esh-pigiz-ninjin goonda nimoonsak gitziim-waan aawan, shpangzi-ook goonda nimoonsak”.

Gii nookweni gwiizens, baasaak gii ndoojii-naan biindaagning, “Nsimdana-shi-shaangswi zhoomaankenh ndaa'aan, Depse na ji waabmagwaa nimoonsak?” gii naan ktige-ninwan.

“Depse gwa,” gii kido ktige-nini. Mii sa gii wish-kshi-maat gii ndamaat nimoosan. Damnowaagan ezhin-kaaz-ninjin.

Miish gii bi zaagjibzat Damnowaagan nimookaajiinh-gamgoong, niiwin nimoosan mash-min gizi-ninjin gii bi noop-nan-goon. Mchikaning ge'e gii shedaakwiing-gweshin gwiizen, gii maang-shkiizhweni gii maamiikwaabmaat nimoosan.

Jiigi mchikan bi yaa-aat nimoonsak mii giiyenh gegoo gii waamdang gegoo biinji nimookaajiinh-gamgoonsing, gegoo maaskaanik. Mii giiyenh miwaa gii wabmaat bezhik maashmingiznit nimoosan. Gaachiinwan giiyenh miinwaa giiyenh gii chaakiishin wa nimoons.

Miidash giiyenh gii kidot, “mii sa wa ge yaawak.”

Miish-giiyenh ktige-nini gii jiingnataat gwiizensan naaniibwinit, “Gwiizens gaawiin gdaa yoo-oosii wa nimoons. Gaa wiikaa wii gshkitoosii wii damnat, maage wiibmibtoot dbishkoo gwonda aanind.”

Mii dash gwiizens gii zhegaabwit, miish miiknoot gii kobdoot mbane-gaat biiwaap-koonhsan gii tenoon kaading e'edweying miinwaa makizin enaadmaagemgak.

Mii dash gaa naat ktige-ninwan, “Gaa genii ngaashktoosiin we'eni wii bmiptoo-aanh, wiiya da nda-wen-maan nimoons ge nsas-taad-waajin.”

Baatiin-ook maanpii kiing be-maad-zijik nend-wenmaa-aajin ge nsas-taag-waajin.